

Headlines

- इक कारोबारी समूह खिलाफ रिश्वत दे आरोपें ते होरनें दुए मुद्दे गी लेइए विपक्ष दे हंगामे गी दिखदे होई संसद दे दौनें सदनें दी बैठक दिन भरै आस्तै स्थगित करी दिती गई।
- प्रधानमंत्री नरेंद्र मोदी होरें मेद जाहिर कीती ऐ जे संसद दा स्यालै आह्ला इजलास लाहकारी रौहग ते एहदे च रचनात्मक विचार-विमर्श कीता जाग।
- केंद्री सहकारिता मंत्री अमित शाह होरें आखेआ ऐ जे भारत सहकारी आंदोलन च इक वैश्विक नेता दे तौरा उपपर उभरियै सामने आया ऐ।
- क्रिकेट च भारत नै आस्ट्रेलिया पर्थ च बार्डर गवास्कर ट्रॉफी दे पैहले टेस्ट मैच च आस्ट्रेलिया उपपर 295 रन दी जित्त हासल कीती ऐ।

<><><><><><>

Parliament Adjourned

इक कारोबारी समूह खिलाफ रिश्वत दे आरोपें ते होरनें दुए मुद्दे गी लेइए विपक्ष दे हंगामे गी दिखदे होई संसद दे दौनें सदनें दी बैठक दिन भरै आस्तै स्थगित करी दिती गई। स्यालै आहले इजलास दे पैहले दिन पैहली बारी स्थगित होनें मगरा 11 बजकर 45 मिनटें पर जियां गै राज्यसभा दी बैठक परतिए शुरू होई तां सभापति जगदीप धनखड होरें विपक्षी सदस्यें सोया अपील कीती जे ओहू सदन गी कारवाई गी सामान्य तौर पर चलन देन। पर, शोर-शराबा जारी रौहने दे मद्देनजर उने सदन दी बैठक दिन भरै लेई स्थगित करी दिती। इसदे थवा पैहले सभापति जगदीप धनखड होरें कारोबारी समूह खिलाफ कथित रिश्वत दे आरोपें ते होरने मुद्दे गी लेइए विपक्षी सांसदें आस्सेआ दिते गेदे स्थगन प्रस्ताव गी नामंजूर करी दिता। सभापति होरें आखेआ जे एहू नोटिस अध्यक्ष हुन्दे आस्सेआ इस बारै च पैहले सोयां दिते गेदे दिशा-निर्देशें दे मूजब नेई ऐ। उने आखेआ जे संसद दा एह सत्र संविधान पारित कीते जाने दे 75में बरे च आयोजित कीता जा र दा ऐ। उने सदस्यें सोयां अपील कीती जे ओहू इस महत्वपूर्ण मौके पर ओहू लोकें दिएं भावनाएं गी पूरा करने आस्तै सर्वोच्च मानकें दा परिचय देन। विपक्ष दे नेता मल्लिकार्जुन खरगे होरें कारोबारी समूह पर कथित तौर पर रिश्वत लैने आले मामले पर बोलने दी कोशिश कीती, पर उनें गी इजाजत नेई दिती गई। इसदे मगरा कांग्रेस, वामदलें, डीएमके, आरजेडी, आप ते होरनें सदस्यें शोर शराबा कीता जिसी दिखदे होई सदन दी कार्यवाही 11 बजिए 45 मिनट तक आस्तै स्थगित करी दिती गई। लोकसभा च बी पैहले स्थगन मगरा दपहरी 12 बजे सदन दी बैठक जिसलै परतिए शुरू होई तां कांग्रेस, समाजवादी पार्टी, डीएमके ते होरने सदस्यें

इक बिजनेस घराने खिलाफ रिश्वत दे आरोपें सनें बक्ख बक्ख मुद्दे पर शोर शराबा कीता। इनें मुद्दे च उत्तर प्रदेश दे संभल च कथित हिंसा आह्ला मुद्दा बी शामिल हा। शोर-शराबे दे चलदे अध्यक्ष होरें सदन दी बैठक दिन भर आस्तै स्थगित करी दिती। इसदे थ्वा पैहले लोकसभा दी कार्यवाही मौजूदा सदन दे दो दिवंगत सदस्यें वसंतराव चव्हाण ते शेख नूरुल इस्लाम होरें गी श्रद्धांजलि देने मगरा दपहरी 12 बजे तक आस्तै स्थगित करी दिची गई। लोकसभा च कार्यवाही शुरू होने मगरा अध्यक्ष ओम बिरला होरें श्री चव्हाण, श्री इस्लाम ते त्रै साबका सदस्यें एम एम लॉरेंस, एम पार्वती ते हरिश्चंद्र चव्हाण होरें गी श्रद्धांजलि दिती। इसदे थ्वा पैहले राज्य सभा ने बी अपने 6 साबका सदस्यें गी श्रद्धांजलि भेंट कीती।दोनों सदनों दी बैठक हुन बुधवारें होगा।

<><><><><><>

PM Parliament

प्रधानमंत्री नरेन्द्र मोदी होरें मेद जाहिर कीती ऐ जे ससद दा स्यालै आह्ला इजलास लाहू कारी रहौग ते इसदे च रचनात्मक विचार विमर्श कीता जाग। संसद सत्र सोयां पैहले मीडिया गी सम्बोधित करदे होई मोदी होरें आक्खेआ जे एह सत्र संविधान पारित होने दे 75 बरें समें केई बजहें करी खास रहौग। उने आक्खेआ जे एह सत्र लोकतंत्र आस्तै गरिमापूर्ण ऐतिहासिक मौका होगा। विपक्ष दी निन्देआ करदे होई प्रधानमंत्री होरें आक्खेआ जे जनता आस्सेआ नामंजूर किश चुनिन्दा लोक अव्यवस्था पैदा करिऐ संसद पर नियंत्रण करने दी कोशिश करा र दे न। उने आक्खेआ जे संसद दे समय दा इस्तेमाल भारत दी वैश्विक प्रतिष्ठा ते सम्मान बढ़ाने आस्तै कीता जाना लोडचदा ऐ। मोदी होरें आक्खेआ ऐ जे विश्व मंच पर देशै गी अज्ज जेडे मौके थ्होए न ओहू बडे घट्ट लब्बभदे न। असें सब्बनें गी उसदे थ्वा लाहू ठोआना लोडचदा ऐ। उने आक्खेआ ऐ जे भारत दी संसद ते देशै दे मतदाताएं आस्सेआ एहू सनेहा जाना लोडचदा जे ओहू लोकतंत्र ते संविधान प्रति वचनबद्ध न ते संसदीय प्रक्रियाएं च उनदा विश्वास सार्थक ऐ।

<><><><><><>

LS Outside

लोकसभा च विपक्षी सांसदें ते वक्फ संशोधन विधेयक 2024 दे सरबंध्यै च संयुक्त संसदीय समिति दे सदस्यें अज्ज लोकसभा दे अध्यक्ष ओम बिरला हुन्दे कन्नै मलाची कीती। बैठक मगरा मीडिया कन्नै गल्लबात करदे होई तृणमूल कांग्रेस सांसद कल्याण बैनर्जी होरें आक्खेआ जे लोकसभा अध्यक्ष होरें गी दस्सेआ गेआ ऐ जे संयुक्त संसदीय समिति दे अध्यक्ष विपक्षी सदस्यें दी गल्ल नेई सुना र दे न। ते समिति दी रिपोर्ट जल्दबाजी च नेई दिती जाई सकदी। बैनर्जी होरें आक्खेआ जे अध्यक्ष होरें विपक्षी सदस्यें दी भावनाएं दा सम्मान करदे होई भरोसा दिता ऐ जे ओहू रिपोर्ट पेश करने आस्तै समें सीमा गी बढ़ाडन।

<><><><><><>

PM Guyana

प्रधानमंत्री नरेंद्र मोदी होरें गयाना दे राष्ट्रपति डॉ. इरफान अली होरें गी एक पेड़ मां के नाम पैहल पर उनदे समर्थन आस्तै धन्नवाद कीता ऐ। मोदी होरें कल आहले मन की बात प्रोग्रामम च गयाना च भारतीय समुदाय प्रति प्रशंसा व्यक्त कीती। प्रधानमंत्री होरें आक्खेआ जे डॉ० इरफान अली हुन्दे समर्थन गी हमेशा चेता रक्खेआ जाग।

<><><><><>

Goa IFFI

भारत अंतर्राष्ट्रीय फिल्म महोत्सव च अज्ज क्षेत्रीय फिल्में दा प्रदर्शन कीता जा र दा ऐ। आकाशवाणी कन्नै गल्लबात करदे होई कन्नड़ फिल्म केरे-बेटे दे अभिनेता ते निर्माता गौरी शंकर एसआरजी होरें क्षेत्रीय सिनेमा दा जिक्र करदे होई आक्खेआ जे एह क्षेत्रीय संस्कृति दी गहराइयें गी प्रदर्शित करदी ऐ। भारतीय पैनोरमा दी इक होर फीचर फिल्म ते एनिमेटेड प्रोडक्शन महा-अवतार नरसिम्हा दे निर्देशक अश्विन कुमार होरें अपनी फिल्म दे चयन आस्तै आभार जाहिर कीता। महोत्सव च अज्ज लगभग 75 फिल्में दस्सियां जा र दियां न। स्क्रीनिंग दे अलावा, इस बरे सत्यजीत रे लाइफटाइम अचीवमेंट पुरस्कार हासिल करने आहले फिलिप नोयस ते बॉलीवुड अभिनेत्री कृति सेनन जनेई मशहूर हस्तियां, मास्टरक्लास ते पैनल चर्चाएं च शामिल होडन। ऑस्ट्रेलियाई निर्देशक फिलिप नोयस इक मास्टरक्लास आयोजित करडन। अभिनेत्री कृति सेनन, सिनेमा च महिलाएं दी अग्रणी हिस्सेदारी" विषे पर विचार रखडन।

<><><><><><>

Mandaviya Padyatra

केंद्रीय युवा मामले ते खेड मंत्री मनसुख मांडविया होरें नमी दिल्ली च हमारा संविधान हमारा स्वाभिमान पदयात्रा च हिस्सा लैता। एह पदयात्रा भारतीय संविधान दे संस्थापक सदस्यें दे नजरिऐ दा सम्मान करने आस्तै आयोजित कीती गई ही। साहडे संवाददाता नै दस्सेआ जे इस मौके पर केंद्रीय मंत्रियें, सांसदें, ओलंपिक एथलीटें ते युवाएं सनें सारे प्रतिभागियें संविधान दी प्रस्तावना दी सगंध बी लैती।

<><><><><><>

LG-Tawi river Front

उपराज्यपाल मनोज सिन्हा होरें अज्ज तवी रीवर फ्रंट दा दौरा लाया ते इस विकास परियोजना दी प्रगति दा जायजा लैता। आकाशवाणी जम्मू दे संवाददाता दी रिपोर्ट मूजब अपने इस दौरान एल.जी होरें जारी कम्में दा जायजा लैता ते अधिकारियें कन्नै गल्लबात कीती तां जे गुणवत्ता दे मानकें दा पालन करदे होई कम्म समेंसिरै पूरा कीता जाई सकै। अधिकारियें एल.जी होरें गी इस परियोजना दी मौजूदा स्थिति बारै जानकारी दित्ती। उनें कम्म करा'रदियें एजेंसिएं गी आखेआ जे ओहू समें सीमा अंदर कम्म गी पूरा करने लेई गति बनाई रक्खन। जम्मू च तवी रीवर फ्रंट परियोजना गी गुजरात दे साबकरमती रीवर फ्रंट दी तर्ज उप्पर विकसित कीता जा'रदा ऐ। इक बारी एहू प्रोजेक्ट पूरा होने पर तवी रीवर फ्रंट मकामी लोकें ते सैलानियें लेई इक बड्डे आकर्षण दे तौरा पर कम्म करोग जेह्दे कन्नै शैहरा दे सामाजिक, आर्थिक गी बाद्दा होग।

<><><><><><>

Shah-Cooperative Movement

केंद्री सहयोग मंत्री अमित शाह होरें आखेआ ऐ जे भारत सहकारी आंदोलन च इक वैश्विक नेता दे तौर पर उभरिये आया ऐ। राश्ट्री दैनिक अखबार गी दित्ते गेदे इक लेख च शाह होरें आखेआ जे सहकारी क्षेत्र नै ना सिर्फ आर्थिक तौरा पर तांग रक्खने आहले लोकें गी समृद्ध करने लेई बल्कि उनेंगी अर्थ बवस्िा दी मुखधारा च बी शामिल करने लेई जानेआ जंदा ऐ। उनें आखेआ जे प्रधानमंत्री नरेंद्र मोदी हुंदे मंत्र “सहकार से समृद्धि” दा मकसद राश्ट्र दे सहकारी संस्थाएं गी आत्मनिर्भर ते मजबूत बनाना ऐ। मंत्री होरें आखेआ जे देश अज्ज थमां दिल्ली च अंतरराश्ट्रीय सहकारी गठबंधन महासभा ते वैश्विक सहकारी सम्मेलन दी मेजबानी करने आहला ऐ। उनें आखेआ जे एहू सम्मेलन माली समावेश गी अगगे बदाने, गरीबी गी दूर करने, लैंगिक समानता गी यकीनी बनाने ते संयुक्त राश्ट्र दे सतत विकास लक्ष्यें गी हासल करने उप्पर कम्म कराग।

<><><><><><>

National Milk Day

भारत च श्वेत क्रांति दे जनक डॉ. वर्गीस कुरियन हुन्दी 103मी जयंती दे मौके पर कल नमी दिल्ली च राष्ट्रीय दुग्ध दिवस मनाया जाग। पशुपालन ते डेयरी विभाग नै आक्खेआ ऐ जे इस कार्यक्रम च भारत दी अर्थव्यवस्था ते पोषण सुरक्षा च डेयरी क्षेत्र दे महत्वपूर्ण योगदान विषे पर चर्चा कीती जाग। इस मौके पर केंद्रीय मच्छी पालन, पशुपालन ते डेयरी मंत्री राजीव रंजन सिंह पशुधन ते डेयरी क्षेत्र च प्रतिष्ठित राष्ट्रीय गोपाल रत्न पुरस्कार प्रदान करडन। इस कार्यक्रम च मुख्य भरै दे करसान, दुग्ध संघ ते डेयरी सहकारी समितियां हिस्सा लैडन।

<><><><><>

Cricket-Indus Australia

क्रिकेट च भारत नै आस्ट्रेलिया दे पर्थ च बार्डर गवास्कर ट्रॉफी दे पैहले टेस्ट मैच च आस्ट्रेलिया उप्पर 395 रन्ज दी जित्त हासल कीती ऐ। एहू जोरदार जित्त भारत दी सारें शा बड्डी टेस्ट जित्त च शामिल ऐ। नमें पर्थ स्टेडियम च मेहमान टीम दी पैहली टेस्ट जित्त ऐ। भारतीय कप्तान जसप्रीत बुमराह ते मोहम्मद सिराज दे बेहतरीन प्रदर्शन कन्नै ते तौलें गै 3 विकेटां लैने कन्नै आस्ट्रेलिया दी दुई पारी दा पत्त यकीनी बनी जाग।

<><><><><>

JK-IPL Auction

आई.पी.एल 2025 दी निलामी दे पैहले ध्याड़े जम्मू-कश्मीर दे दो खडारी खरीदे गे जेदे च कुलगाम च जन्में दे तेज गेंदबाज रसिख सलाम गी रॉयल चैलेंजर्स बेंगलोर नै 6 करोड़ रुपें च खरीदी लैता। आकाशवाणी जम्मू दे संवाददाता दी रिपोर्ट मूजब जम्मू-कश्मीर दे 14 खडारी आई.पी.एल 2025 दी निलामी होई ही। मुम्बई इंडियन्स, कोलकाता नाइट राइडर्स ते दिल्ली कैपिटल्स आस्तै आई.पी.एल ते दिल्ली कैपिटल्स आस्तै आई.पी.एल खेड्डुनें आहले रसिख दा 2025 दे आईपीएल दी निलामी लेई 30 लक्खुआ बेस प्राइस रेआ। कुलगाम दे भान अशमुजी इलाके दे रौहने आहले रसिख सलाम डार चौथी बारी आईपीएल दा हिस्सा होंगन। जम्मू दे बैटिंग, ऑल राउंडर अब्दुल समद होरें सनराइजर्स हैदराबाद लेई लगातार त्रै बरें खेड्डेआ। हून इनेंगी लखनऊ सुपर गेंट्स नै 4 अशारया 20 करोड़ रुपें च खरीदी लैता ऐ। जम्मू-कश्मीर दे

बाकी 12 खडारियें दी किस्मत अज्ज तैय होग। इंदे च Atif Mustaq (Bowler), Avinash Singh (Bowler), Nasir Lone (All Rounder), Mujtaba Yousaf (Bowler), Abid Mushtaq (all rounder), Vivrant Sharma (All Rounders, Shubham Khajuria (Batsman), Musaif Ajiz, Kunal Chib (Bowler) Yudhveer Singh (All Rounder) ते Aquib Anbi (All Rounder) शामिल न।

<><><><><><>

Jammu-Police Rohingya

जम्मू-कश्मीर पुलिस नै जम्मू च 5 ऐसे लोकें उप्पर मुकद्दमा दर्ज कीता ऐ जिनें बिना जांच ते कागजें-पत्रें दे रोहिंग्या गी अपनी संपत्ति कराए उप्पर दिती ही। जम्मू दे सब डिविजन इस्टी ऑफ साउथ जोन च बी 14 मकान दे मालकें गी धारा 163 भारतीय न्याय संहिता दे तैहत जिला मैजिस्ट्रेट दे हुक्म गी नेई मनने आस्तै मुकद्दमा दर्ज कीता गेआ ऐ जेदे च संपत्ति दे मालकें गी अपने करायेदारें, बाहरले लोकें दा ब्यौरा पुलिस गी नेई जमा कराना शामिल ऐ। शैहरा दे नाबाद, छत्री हिम्मत ते बाहू किले थाने दे क्षेत्रें च इक व्यापक अभियान चलाया गेआ।

<><><><><><>

Bhaderwah-Snowfall

लम्में चिरै दे खुशक मौसम मगरा डोडा जिले दे भद्रवाह च कल बरखा होई ते उप्परले इलाकें च कल इस मौसम दी पैहली बर्फबारी होई। आकाशवाणी जम्मू दे संवाददाता दी रिपोर्ट मूजब भद्रवाह दे मकामी लोक खुशक मौसम दे बाद बरखा होने करी मते खुश न जिस्सलै जे भद्रवाह दी उप्पर पहाड़ियें च कल रातीं इस सीजन दी पैहली बर्फबारी बी होई। भद्रवाह-पठानकोट जरनैली शिड़का उप्पर स्थित गुलदांडा मीडो जेहड़ा पिछले बरे अक्तूबर थमां गै मती बर्फबारी दे कारण जम्मू-कश्मीर दा सारें शा मता दौरा लाने आह्ला बर्फबारी आह्ला थाहर बनी गेआ हा पर इस बरे खुशक मौसम दे कारण अजें तगर सेलानियें दा इत्थे औना घट्ट होआ हा।

<><><><><><>

Er. Rashid Court

दिल्ली दी इक अदालत नै बारामूला क्षेत्र दे सांसद ते अवामी इत्तेहाद पार्टी दे प्रधान इंजीनियर रशीद कन्नै जुड़े दे इस मामले बारै अपना फैसला सुरक्षित रखेआ ऐ। आकाशवाणी जम्मू दे संवाददाता दी रिपोर्ट मूजब अदालत फैसला करोग के इंजीनियर रशीद दा मामला मौजूदा अदालत च जारी रौहग जां सांसद जां विधायक अदालत च मुंतकिल करी दित्ता जाग। रशीद गी आतंकी फंडिंग च शामिल होने दे मामले च गिरफ्तार कीता गेआ हा। एनआईए नै 2017 च आतंकवादी फंडिंग मामले च U.A.P.A यानि Unlawful Activities Prevention Act तैहत गिरफ्तारकरने मगरा उसी 2019 च तिहाड़ जेल भेजी दित्ता हा। जम्मू-कश्मीर विधानसभा चुनावें दौरान उनेंगी जमानत उप्पर रिहा करी दित्ता गेआ हा। इस बरे 28 अक्तूबर गी जमानत खत्म होने मगरा इंजीनियर रशीद गी वापस तिहाड़ जेल भेजी दित्ता गेआ हा।

<><><><><><>